

প্রশ্ন : ভাষা কাকে বলে? বাংলা ভাষার উৎপত্তি ও বিকাশের ইতিহাস পর্যালোচনা করো।

ভাষা: বাগ্যন্ত্রের (নাক,কণ্ঠ,দাঁত,তালু ও জিহ্বা) সাহায্যে উচ্চারিত অর্থবোধক ধ্বনিসমষ্টিকেই ভাষা বলে।

বাংলা ভাষার উৎপত্তি : মনের ভাব প্রকাশ ও যোগাযোগের জন্য ভাষার গুরুত্ব অপরিসীম। প্রত্যেক ভাষারই একটা সূচনাকাল রয়েছে। তেমনি বাংলা ভাষারও একটা সূচনাকাল রয়েছে। বলা হয়ে থাকে, আজ থেকে ৫০০০ বছর পূর্বের ভাষা ইন্দো-ইউরোপীয় ভাষা থেকে ক্রমান্বয়ে পরিবর্তন-পরিবর্ধনের মাধ্যমে আজকের বাংলা ভাষার উদ্ভব হয়েছে। পৃথিবীতে ৫০০০এর বেশি ভাষা প্রচলিত রয়েছে। এই সমস্ত ভাষার উৎস মূলত ১২টি ভাষা।


১. ইন্দো-ইয়োরোপীয় ভাষা
২. সেমিটিক-হেমিটিক
৩. দ্রাবিড়

৪. বান্টু
৫. তুর্ক-মোগল-মাঞ্চু
৬. ককেশিয়ান
৭. ফিনো-উগ্রিক
৮. অস্ট্রিক
৯. সিনো-টিব্বটান
১০. এক্সিমো
১১. হাইপার বোরিয়ান
১২. রেড ইন্ডিয়ান

বাংলা ভাষা ইন্দো-ইউরোপীয় ভাষা থেকে এসেছে।
নিম্নোক্ত রূপরেখার মাধ্যমে আমরা বাংলা ভাষার
উৎপত্তির ইতিহাস পর্যালোচনা করতে পারি।

বাণীয়া ওমান উদ্ভিদ রূপরেখা

ইন্ডো-ইউরোপীয়



ডক্টর সুনীতি কুমার চট্টোপাধ্যায়ের মতে, মাগধী প্রাকৃত
মাগধী অপভ্রংশ, মাগধী অপভ্রংশ থেকে বঙ্গকামরূপী
হয়ে বাংলা ভাষার উৎপত্তি হয়েছে।

তাঁর মতে বাংলা ভাষার উৎপত্তি দশম শতাব্দীতে (৯৫০
খ্রি.) হয়েছে।

ডক্টর শহীদুল্লাহর মতে, গৌড়ীয় প্রাকৃত থেকে গৌড়ীয়
অপভ্রংশ, গৌড়ীয় অপভ্রংশ থেকে বঙ্গকামরূপী হয়ে
বাংলা ভাষার উৎপত্তি হয়েছে।

তাঁর মতে, বাংলা ভাষার উৎপত্তি সপ্তম শতাব্দীতে
(৬৫০খ্রি.) হয়েছে।

বাংলা ভাষার বিকাশ : বাংলা ভাষার বিকাশকালকে ৩ভাগে
ভাগ করা যায়।

১. প্রাচীন যুগ

২. মধ্য যুগ

৩. আধুনিক যুগ

১. **প্রাচীন যুগ** : প্রাচীন যুগ আবার দুই ভাগে বিভক্ত।

(ক) **বৌদ্ধ যুগ** : ডক্টর সুনীতি কুমার চট্টোপাধ্যায়ের মতে, এই যুগের সময়কাল ৯৫০ থেকে ১১০০ খ্রিস্টাব্দ পর্যন্ত।

ডক্টর শহীদুল্লাহর মতে, এই যুগের সময়কাল ৬৫০ থেকে ১১০০ খ্রিস্টাব্দ পর্যন্ত।

(খ) **হিন্দু যুগ** : এই যুগের সময়কাল ১১০০ থেকে ১২০০ খ্রিস্টাব্দ পর্যন্ত।

প্রাচীন যুগের বাংলা সাহিত্যের একমাত্র নিদর্শন হলো চর্যাপদ। এটি একটি পদ্যের বই যা বৌদ্ধ ধর্মের ধর্মীয় চিন্তাভাবনা নিয়ে লিখিত।

ডক্টর সুনীতি কুমার চট্টোপাধ্যায়ের মতে, এই বইয়ে পদ্যের সংখ্যা ৫১টি।

ডক্টর শহীদুল্লাহর মতে এই বইয়ে পদ্যের সংখ্যা ৫০টি। তার মধ্যে ৪৮ নাম্বার পদ্যটি পাওয়া যায়নি।

২. **মধ্যযুগ** : মধ্যযুগের সময়কাল ১২০০ থেকে ১৮০০ খ্রিস্টাব্দ পর্যন্ত। এই যুগ আবার ৪ ভাগে বিভক্ত।

(ক) **অন্ধকার যুগ বা যুগসন্ধিক্ষণ** : এই যুগের সময়কাল ১২০০ থেকে ১৩৫০ খ্রিস্টাব্দ পর্যন্ত। এই সময়টাতে বাংলা সাহিত্যের কোন প্রচার প্রসার ঘটেনি বিধায় এটাকে অন্ধকার যুগ বলা হয়।

(খ) **প্রাক চৈতন্য যুগ** : এই যুগের সময়কাল ১৩৫০ থেকে ১৪৭৫ খ্রিস্টাব্দ পর্যন্ত।

(গ) **চৈতন্য যুগ** : এই যুগের সময়কাল ১৪৭৫ থেকে ১৫০০ খ্রিস্টাব্দ পর্যন্ত।

(ঘ) **পরবর্তী চৈতন্য যুগ** : এই যুগের সময়কাল ১৫০০ থেকে ১৮০০ খ্রিস্টাব্দ পর্যন্ত।

এই ৩ যুগে বাংলা সাহিত্যের ব্যাপক প্রচার প্রসার ঘটে। এই যুগে বাংলা ভাষায় প্রথম রামায়ণ ও ভাগবতের অনুবাদ করা হয়।

এই যুগে আবিষ্কৃত কিছু সাহিত্য :

১. অনুবাদ সাহিত্য
২. পদাবলী সাহিত্য
৩. মঙ্গল কাব্য
৪. পুঁথি সাহিত্য
৫. নাথ বা মার্সিয়া সাহিত্য
৬. রোমান্টিক সাহিত্য
৭. ডাকের কথা বা খনার বচন ইত্যাদি

৩. **আধুনিক যুগ** : আধুনিক যুগের সময়কাল ১৮০০ থেকে আজ পর্যন্ত চলমান। আধুনিক বাংলা সাহিত্যের সূচনা হয় ঈশ্বরচন্দ্র বিদ্যাসাগরের হাত ধরে কিন্তু আধুনিক বাংলা সাহিত্যের যিনি ব্যাপক প্রচার প্রসার ঘটান তিনি মাইকেল মধু সুদন দত্ত। তিনি বাংলা সাহিত্যে মহাকাব্য, সনেট, প্রহসন, অমিত্রাক্ষর ছন্দ ইত্যাদি নিয়ে আসেন।

আধুনিক যুগে আবিষ্কৃত কিছু বাংলা সাহিত্যের নাম-

১. গদ্য সাহিত্য
২. মহাকাব্য
৩. সনেট
৪. প্রহসন
৫. অমিত্রাক্ষর ছন্দ
৬. উপন্যাস
৭. নাটক
৮. ছোট গল্প
৯. চলিত রীতি
১০. প্রবন্ধ
১১. পল্লী সাহিত্য ইত্যাদি

এভাবেই বাংলা ভাষার বিকাশ ঘটেছে। আজ পর্যন্ত এই বিকাশধারা চলমান রয়েছে।

প্রশ্ন : স্বরধ্বনি কাকে বলে? বাংলা মৌলিক
স্বরধ্বনিগুলো উল্লেখ করো।

স্বরধ্বনি : যে সকল ধ্বনি উচ্চারণের সময় ফুসফুস-তাড়িত
বাতাস মুখগহ্বরের কোথাও বাধা প্রাপ্ত হয় না তাদেরকে
স্বরধ্বনি বলে। যেমন- অ, ঈ, এ ইত্যাদি

মৌলিক স্বরধ্বনি : বাংলা ভাষায় মৌলিক স্বরধ্বনি ৭টি।

যথা-

১. অ
২. আ
৩. ই
৪. উ
৫. এ
৬. ও
৭. অ্যা

প্রশ্ন : স্বরযন্ত্রের অবস্থা অনুযায়ী বাংলা
ব্যঞ্জনধ্বনির শ্রেণিবিভাগ করে দেখাও।

স্বরযন্ত্রের অবস্থা অনুযায়ী বাংলা ব্যঞ্জনধ্বনিকে ৬ ভাগে
ভাগ করা যায়। যথা-

১. স্পর্শ বা পৃষ্ঠ ধ্বনি। যেমন- ক,খ, জ,ঝ সমস্ত বর্গীয়
ধ্বনি।

২. নাসিক্য ধ্বনি। যেমন- ঙ,ন,ণ, ম

৩. উষ্ম বা শিষ ধ্বনি। যেমন- শ,স,ষ,হ।

৪. তাড়িত ধ্বনি। যেমন- ড,ঢ়

৫. কম্পিত ধ্বনি। যেমন- র

৬. পার্শ্বিক ধ্বনি। যেমন- ল

প্রশ্ন : নিচের পরিভাষাগুলোর পরিচয় দাও।

১. **মৌলিক স্বরধ্বনি** : যে সকল স্বরধ্বনি এককভাবে উচ্চারিত হয় তাকে মৌলিক স্বরধ্বনি বলে।

২. **দ্বিস্বরধ্বনি** : যে সকল স্বরধ্বনিতে পূর্ণ স্বরধ্বনি ও অর্ধ স্বরধ্বনি একত্রে উচ্চারিত হয় তাকে দ্বিস্বরধ্বনি বলে।

৩. **ওষ্ঠ্য ধ্বনি** : যে সকল ব্যঞ্জন ধ্বনি উচ্চারণের সময় দুই ঠোঁট ফুসফুস তাড়িত বাতাস প্রবাহে বাধা প্রদান করে তাদেরকে ওষ্ঠ্য ধ্বনি বলে।

৪. **মহাপ্রাণ ধ্বনি** : যে সকল ব্যঞ্জন ধ্বনি উচ্চারণের সময় ফুসফুস তাড়িত বাতাস অপেক্ষাকৃত বেশি হয় তাদেরকে মহাপ্রাণ ধ্বনি বলো।

৫. **স্পর্শ ধ্বনি** : যে সকল ব্যঞ্জন ধ্বনি উচ্চারণের সময় কণ্ঠ, তালু, মূর্ধা, দন্ত, মূর্ধা ইত্যাদি ফুসফুস তাড়িত বাতাস প্রবাহে বাধা প্রদান করে তাদেরকে স্পর্শ ধ্বনি বলে।

প্রশ্ন : ব্যঞ্জনধ্বনি কাকে বলে? স্বরযন্ত্রের অবস্থান অনুযায়ী বাংলা ব্যঞ্জনধ্বনির শ্রেণীবিভাগ করো।

ব্যঞ্জনধ্বনি : যে সকল ধ্বনি উচ্চারণের সময় ফুসফুস তাড়িত বাতাস মুখগহ্বরের কোথাও না কোথাও বাধাপ্রাপ্ত হয় তাকে ব্যঞ্জনধ্বনি বলে।

স্বরযন্ত্রের অবস্থান অনুযায়ী বাংলা ব্যঞ্জনধ্বনিকে ৭ভাগে ভাগ করা যায়।

১. কণ্ঠ্য ধ্বনি। যেমন- ক,খ,গ,ঘ, ঙ

২. তালব্য ধ্বনি। যেমন- চ,ছ,জ,ঝ,ঞ,শ

৩. মূর্ধা ধ্বনি। যেমন- ট,ঠ থ, ড,ঢ ণ

৪. দন্ত্য ধ্বনি। যেমন- ত,থ,দ,ধ,ন

৫. ওষ্ঠ্য ধ্বনি। যেমন- প,ফ,ব,ভ,ম

৬. কণ্ঠনালীয় ধ্বনি। যেমন- হ

৭. দন্তমূলীয় ধ্বনি। যেমন- ড,ঢ়

প্রশ্ন : 'নয়নচারা' গল্পের নগর জীবন ও গ্রামীণ জীবনের তুলনামূলক চিত্র আলোচনা করো।

'নয়নচারা' গল্পটি কথাশিল্পী সৈয়দ ওয়ালিউল্লাহ (১৯২২-১৯৭১) এর লেখা। তিনি ১৯৪৩ সালের দুর্ভিক্ষের উপর ভিত্তি করে গল্পটি লিখেছেন। 'নয়নচারা' গল্পটিতে নয়নচারা গ্রামের আমু নামের একজন অভাবী ব্যক্তির কথা বলা হয়েছে। ১৯৪৩ সালের দুর্ভিক্ষে ব্যাপক খাদ্যের অভাব দেখা দেয়। প্রচুর লোক অনাহারে মারা যায়। আমু বেচে থাকার লক্ষ্যে তার কিছু গ্রামের প্রতিবেশীসহ নগরে চলে আসে। কারণ সে শুনেছিলো " নগরের মানুষের অনেক টাকা"। অন্তত তার না খেয়ে মরতে হবে না।

কিন্তু সে দেখতে পায় ভিন্ন চিত্র। নগরের মানুষের টাকা থাকলেও তাদের দয়ামায়া নেই। তারা নিষ্ঠুর এবং হিংস্র। তারা কুকুরের মতো ঘেউ ঘেউ করে অভাবী মানুষ দেখলে। অথচ যে তারাগুলো সে নয়নচারার আকাশে দেখতে পেতো সেগুলো নগরের আকাশেও দেখা যায় কিন্তু মানুষগুলো নয়নচারার মানুষগুলো দয়ালু। তাই তো নগরের লালপেড়ে শাড়ি পড়া একটি মেয়ে আমুকে দুটি পয়সা দান করায় সে বলেছিলো " তোমার বাড়ি কি নয়নচারা গ্রামে "। নয়নচারা গ্রাম দুর্ভিক্ষের আগে ফলমূলে ভরপুর ছিলো কিন্তু নগরের ফলমূল নিয়ে দোকানদারদের কাণ্ড দেখলে তার মনে হয় " এগুলো ফলমূল নয়, যেন স্বর্ণ "।

উপর্যুক্ত আলোচনায় দেখা যায়, গ্রামের মানুষ অসহায়ভাবে পথে বসে ঘর-বাড়ি ছেড়ে নগরে আসে, উদ্বাস্তু জীবন যাপন করে কিন্তু নগরের বিত্তবান মানুষ তাদের দিকে ভ্রক্ষেপও করে নি।

প্রশ্ন : "জীবনে এমন কত বিচ্ছেদ, কত মৃত্যু
আছে, ফিরিয়া ফল কি।"

উক্তির আলোকে রবীন্দ্রনাথ ঠাকুরের
"পোস্টমাস্টার" গল্পের কেন্দ্রীয় চরিত্র বিশ্লেষণ
করো।

পোস্টমাস্টার গল্পটি রবীন্দ্রনাথ ঠাকুরের একটি বিখ্যাত
গল্প।

কলকাতা থেকে অজপাড়া গাঁয়ের পোস্টঅফিসে কাজ
করতে আসা পোস্টমাস্টার বাবুর প্রতি এক অসহায়
অনাথ গ্রাম্য-বালিকার সহজ সরল অথচ গভীর প্রাণের
টান এবং পোস্টমাস্টারের কাজ ছেড়ে চলে যাবার সময়
বালিকার মনের অব্যক্ত আর্তি এ গল্পকে এক মর্মস্পর্শী ও
সকরুণ কাব্যধর্মীতায় মণ্ডিত করেছে। গল্পের মূল চরিত্র
বলতে দুটি - পোস্টমাস্টার আর রতন। খানিকটা বর্ণনা ও
খানিকটা কথোপকথনের রীতিতে গল্পটি নির্মিত।

গণ্ডগ্রামে শহুরে পোস্টমাস্টারবাবুর একাকিত্ব দূর করেছে
রতন:তাকে সঙ্গ দিয়ে, পরিচর্যা দিয়ে,গ্রাম্য-বালিকার
স্বাভাবিক সারল্যে তাকে বড়ো আপন করে নিয়েছে যেন
রতন।

পোস্টমাস্টার রতনকে তার বাড়ির কথা, নিকটজনের কথা
শুনিয়েছে, লেখাপড়া শিখিয়েছে তাকে। অতঃপর
পোস্টমাস্টারবাবু অসুস্থ হয়ে পড়লে তাকে দিনরাত সেবা-
শুশ্রূষা করে ভালো করে তুলেছে রতন। এই পর্যন্ত দুই
বিপ্রতীপ পুরুষ ও নারীর এক আন্তরিক সম্পর্কের গল্প।

কিন্তু তারপরই অকস্মাৎ যেন তার ছিঁড়ে যায়, বেসুরো হয়ে
যায় সবকিছু। পোস্টমাস্টার গন্ডগ্রাম ছেড়ে শহরে ফিরতে
উদগ্রীব, বদলির দরখাস্ত পাঠান, দরখাস্ত নাকচ হলে
চাকরি ছেড় ফিরে যাবার উদ্যোগ নেন নিজেই। রতনকে
একথা জানালে সে হতবাক হয়ে যায়। পোস্টমাস্টারকে সে
বলে তাকে সঙ্গে নিয়ে যেতে। তখন পোস্টমাস্টার বলে
''সে কি করে হবে''। তার এই সকৌতুক উত্তর রতনের
স্বপ্নে ও জাগরণে ঘুরপাক খেতে থাকে। যাবার সময়
পোস্টমাস্টার রতনকে আশ্বস্ত করেন যে- নতুন
পোস্টমাস্টারকে তিনি রতনের ব্যাপারে বলে
যাবেন। নিজের পথখরচ বাদে বেতনের সব টাকাটা তিনি
রতনকে দিতে চান। রতন পোস্টমাস্টারের পায়ে ধরে
মনের যন্ত্রণাকে ঢাকতে চায়- 'দাদাবাবু, তোমার দুটি পায়ে
পড়ি, তোমার দুটি পায়ে পড়ি, আমাকে কিছু দিতে
হবেনা, তোমার দুটি পায়ে পড়ি, আমার জন্য কাউকে
ভাবতে হবে না'।

নৌকায় উঠে রতনের কথা ভেবে তার করুণ মুখচ্ছবি মনে করে পোস্টমাস্টারের মনে হলো তার রতনকে নিয়ে আসা উচিত ছিলো কিন্তু ততক্ষণে নৌকা ঢের এগিয়ে গেছে। তখন পোস্টমাস্টার বললেন " জীবনে এমন কত বিচ্ছেদ, কত মৃত্যু আছে, ফিরিয়া ফল কি " ঐদিকে রতন পোস্টঅফিসের আশেপাশে তখনো ঘুরেফিরে বেড়াচ্ছিল যদি দাদাবাবু ফিরে আসে।

Solved by Mr Pirate-3168 (4EM)